

صاحب امتیاز و سرمحرری
اورفه مبعونی

شیخ صفوت

مرکز توزیمی باب عالی جاده سنده
جمعیت کتبخانه سیدر

نسخه سی ۲۰ پاره در

تصوف

شرائط اشترا

سنه لکی ممالک عثمانیه ایچون

۳۰ غروش ، مصر و ممالک اجنبیه

ایچون ۷ فراقدر .

التصوف کله آداب : ابو حفص عمر بن مسلمه

عرفای اتمک مقالات عارفانه لرینه تصوفک تحقیقملری آچیقدر

تصوفه متعلق مباحث شتادن باحث و مکالم اخلاق اسلامیتک تعمیننه خادم مجله "معنویه در"

جامعه اسلامییه

جنک هفتاد و دو ملت همرا عذرینه
چون ندیدند حقیقت درافسانه زدند

خطه مصریه ده مذاهب اسلامییه دن اباضیه مذهبه سالک محمد فرج التجار نامند بر ذاتک (اول قطرة من غيث) عنوانیه توسیم و مجلس مبعوثان عثمانی ریاست جابله سنه تقدیم ایلش اولدیفنی رساله مطبوعه سنک بر نسخه سی محرر عاجز طرفه دن دخی مطالعه ایدلدی . رساله مذکوره نك مندرجاتی صاحبك اباضیه مذهبی صورت قبولی و ادیسنده حیات مذهبییه سنک صفحات و نحو لاندن و اباضیه فرقه سنک فرق اسلامییه آراسنده یکانه فرقه ناجیه اولدیفته دائر بیانات و مطالعاتندن عبارت بولمئش ایسه ده امت معظمه اسلامییه نك بین الامم مدار فخر و مباحاتی اولان سلف صالحین و ائمه اربعه مجتهدین رضی الله تعالی عنهم اجمعین حضراتیه مذاهب سائره اسلامییه نك معتقداتی حقارنده نزاهت لسانیه و آداب اصلیه دینییه اصلا یاقیشیمه حق صورته پك چوق طعن و دشمنای محتوی اولدیفنی کورلدی .

ادوار سالفه ده سباسبونك بازیمجه اغفال و احتیالی اولان منازعات مذهبییه نك امت اسلامییه نك تقدیر مشئوم فقره لره ، تقدیر و خیم تهلكیره القایلش اولدیفنی وقایع

ماضیه نك آثار باقیه سینه جمله مزك معلوم و مشهور دیدر عصر حاضر ك تكملات عمومیه سی ساحه سنده وحدت دینییه وجهت جامعه اسلامییه ایله سراسر عالم اسلامیتك مشترکاً و متحداً اتباه و ترقیبی معظمت امور مایه مزدن بولندی بر صروده ترقیات علمیه جه ولایات عثمانیه نك برنجی مرتبه سنده بولنان خطه مصریه کبی بر مملکت اسلامییه در مسلمان طرفندن قلمه آلان رساله مذکوره نك مندرجاتی جامعه مقدسه اسلامییه نامنه تأسفات عظیمه نی موجب اولدی .

توحید و شهادتک ، اوکله طبیعه دیانتک محیط مقدسیله محاط اولان اهل اسلامک تعصبات جاهله یاخود احتراسات سافله نك سوا ثقیله منازعات مذهبییه اوزرینه بکدی بکیرلرنی تضلیل و تکفیر ایده جک زمانلرک آرتق کچمش اولدیغنی بوکون مذاهب اسلامییه دن هر هانکی بر مذهبه سالک اولور سه اولسون هر بر مؤمن موحد تقدیر اتملیدر . شریعت غرای احمدیه کله طبیعه نك فیوضات قدسیه سینه وحدت اسلامییه نك هر درلو خلایدن وقایه ایده جک دستورلری وضع و تاسیس ایلش ایکن بولردن غفلت یاخود اغراض دنیویه قایلهر ق دینی دنیایه آلت ایلک وحدت اسلامییه نانه پك مدھش برجنایتدر .

عبدالله بن مبارك حضرت تلمی اشیو :

و هل افسد الدین الا ملوک سوء واجبارها

بیت عارفانه لرنده تصویر ایلدکاری اوزره دینی افساد وجهت جامعه اسلامیة برباد ایدیلر : ملوک سوء ایله علمای سوء کروهرلیدر . سیاسیون سالفه هر زمان تفرقه اسلامیه دن استفاده صورتیه آیر آیرو حکومتلر تشکیانه چالیشمشلر و دائماً علمای سوء واسطه سیله منازعات مذهبه نامنه عوام ناسی اغفال ایدمک اسبابک استحضارینه موفق اولمشلردر . از جمله عثمانی و ایرانی دینداشلمنز (لاله الله محمد رسول الله) شهادت حقیقه سیله اصول دینه ده متحد بولندقلری حالده سنلک و شیعیلک منازعات مذهبه سنک نتیجه سی اوله رق الیوم مشهوردیز اولان افتراق الیم سیاسیملری مسرودات مذکورنک برنونه سیدر .

لکن بوکون بوتون عالم اسلامیتی تشکیل ایدن اهل توحیدک آراتق بردوره انتباهه کبر دیکنی و بوحقیقتلری تمایله بلدیکنی امید ایتمکده ایکن اباضیه فرقه سی نامنه رساله مذکورنک تفرقه جویانه بر صورتده ظهوری و آره صره کنسیدی محیط داخلیمزده بیله بعض دین قارداشلمزک احتمالات مردوده اوزرینه یکدیگری علیه رسوا کوردکاری دینیزلک شائبه لرینک اسناد منفوری اهل توحید آراسنده وحدت حقیقه و روابط دنیاهنک محافظه سی نامنه شریعت غرای اسلامیه نک محتوی اولدینی جهات جامعه قدسیه دن مختصرأ بحث ایلمک لزوم کوسترمشدر :

معجزات باهره نبویه دن اوله رق امت اسلامیه نک یش اوج فرقه مذهبه یه افزاق ایدمکده دائر محدثین کرام طرفلرندن روایت ایدیلان احادیث شریفه میاننده شیخ ابوطاهر قزوینی حضرت تلمی (سراج القول) نام اثر مقبولنده ذکر ایلدیکی اوزره ابن النجارک روایتیه (ستفترقی امتی ثلاثاً وسبعین فرقة کلهای فی الجنة الواحدة) حدیث شریفی دخی شرفوارد اولمشدر محققین علمای

اسلام : طریق دیگردن (ستفترقی امتی ثلاثاً وسبعین فرقة کلهای فی النار الواحدة) صورتنده روایت ایدیلان حدیث شریف ایله توفیق و تطبیقنه موفق اولمشلر و عموماً فرق اسلامیه نک اهل نجات اولدقلرینه استدلال ایشلردر . زیرا حق دائماً بردر تعدد ایلمز یش اوج فرقهدن یالکیز بر فرقنک مصیب و دیگرلرینک مخطی اولدقلری شبهه سزدر بناء علیه مخطی اولانلر مستحق عذاب ایهلرده شفاعت نبویه ایله رهیاب نجات اوله جقلر وحقه اصابت ایدن یکنانه فرقه ایسه بلاشفاعة سعادت ایدیهی بوله جقلردر (کلهای فی الجنة الواحدة) حدیث شریفنده کی استثنایه کذبجه بروجیه مشروح (کلهای فی الجنة) جهه مبشره سی (کلهای فی النار) حدیث شریفنک دلالتنه بناء شفاعت قیدیه مقید بولندیفندن استثنای واقع قید مذکورده متملق و بونلردن یالکیز بر فرقنک ، بر فرقه مصیه نک بلاشفاعة دارالنعم سمردی یه داخل اوله جقنی ناطقدر . شو حالده (کلهای فی النار الاواحدة) بر فرقهدن ماعدا جهه سنک مستحق عذاب اولدیفنی مبین (و کلهای فی الجنة الا واحدة) ایسه یالکیز اوفرقه و جیدنک بلاشفاعة و دیگرلرینک ده بلاشفاعة دائره نجاتک شمولنه مظهر بولند . قلمی نعلندر . علمای اعلام هرا یکی حدیث شریفک اراسنده وجوه متعدده ایله تطبیقات سائرینی دخی بیان بیورمشلر ایسه ده مختار اولان وجه سابقدر . چونکه بووجه وجه : عموماً اهل قبله حقنده ائمه کلام و علمای اسلامک اقوال مختارمه سنه تمایله مطابقدر . زیرا ائمه مشارالیه هم حضراتنک تحقیقات محقلرینه نظراً مذاهب اسلامیه دن هرهانکی بر مذهب سالتک اولورسه اولسون بر مسلمانک تکفیری قطعاً جائز دکلدر بیک دینسزه دیندار دیمک بر دیندار اولان ذاتک دینسزلیکنه قائل اولمقدن اولادر . بر مسلمانک تکفیری جهته کیتمک : اومسلمانک ، او (لاله الله) دینان صاحب ایمانک عاقبتی خسران ابدیه محکوم و حیات و نامتنده احکام اسلامیه دن محروم اولدیفنه حکم ایتمکدرکه : غایت خطرناک بر مسئلهدر . امام الحرمین حضرت تلمی : مذاهب مختلفه

ایسه امور معنویہدن بولمغله مجرد بر لزوم اوزرینسه
 اخوان دینک کفرینسه ذاہب اولوق قطعاً جائز دکلدرد.
 ائمہ صوفیہ حضراتنک فرق اسلامیہ حقتده مطالعات
 عارفانہ لری ایسه کشف و شہودک انوار باہرہ سیلہ اقوال
 سدیدہ مذکورہ بر رونق دیگر ویرمکده در . قطب
 العارفین شیخ محی الدین ابن العربی حضرتلری بیور .
 مشلدردر کہ : فرق اسلامیہدن ہر ہانکی بر مسلمانہ
 قارشو اولورسہ اولسون رد و اعتراضہ تصدی ایتک اہل
 اللہنک شاندن دکلدرد . چونکہ بونلر جامعہ اسلامیہنک
 احاطہ سندنہ بولندجہ و نصوصہ مخالفت ایتدیکہ حق
 یاخود مظنہ حقدن بشقہ بر اعتقاد مذہبیہدن بولنزل شو
 حالہ بونلرک معتقدات مذہبیلری رد و ابطالہ تصدی
 ایدن : نفس الامرده حق اولان بر اعتقادی انکار ایتک
 تہلکہ سندن امین اولہمز .

ینہ مشارالہ حضرتلری فتوحاتک اوتوزنجی بایندہ
 مسلمانلردن هیچ بر کیمسہنک اعتقاد مذہبیلری جرح
 ایتامک اہل اللہنک حال و شانلری اقتضاسندنر بیور بیور .
 عظمای صوفیہدن علی الخواص حضرتلری دخی
 بیور بیورک : مقام معرفتی ادعا ایدن بر کیمسہ : فرق
 اسلامیہدن برینہ منسوب اولان بر عقیدہ مذہبیلری
 ازہر جہت جرح ایدہ جک اولورسہ او آدم ادعا سندنہ
 کاذبرد . زیرا عارف باللہ اولان ذاتک شرطی حضرت
 الوہیتک دائرہ قدسیتنہ داخل اولمقدرد . او دائرہ مقدسیہ
 داخل اولانلر ایسہ : بوتون فرق اسلامیہ عقائد
 مذہبیہ سنک ولو بعض جہتدن اولسون ذات اقدس
 الوہیتہ متصل اولدینغی کشف و شہوداً کورمشلدردر .

بو مقام مقدسک اجلہ رجالندن مولانا جلال الدین
 رومی حضرتلرینک مذاہب اسلامیہ دائر کتب معتبرہده
 محرر بولنان بر منقہ جلیلہ سیلہ اقوال جمیلہ سی : حضرات
 اہل اللہنک جامعہ اسلامیہ اساسی اوزرنده انظار عارفانہ
 لری دہا زیادہ ایضاح ایدہ جکی جہتہ خاتمہ مقال اولوق
 اوزرہ تبرکاً ایرادی مناب کورلمشدر :

مشارالہ حضرتلرینک معاصرلردن سراج الدین

اسلامیہده دوران ایدن عقائد و عباراتک تکفیری اقتضا
 ایدن و ایتمان قسملرینک تفصیلاتنہ کیریشمک ممکن دکلدرد
 بیور بیور . چونکہ بحر زخار توحیدک فیض عظیمندن
 استمداد ایلہ حقایقک غایات و نہایتی احاطہ ایتدیکہ
 مذاہب اراسندہ دلائل تکفیرک وثائق دینہ سنہ دسترس
 اولوق امکان خارجندہ در .

علم اسلامیہده افتراق مذہبی امام علی کرم اللہ تعالی
 وجہہ حضرتلرینک زمان خلافتلرنده باشلامشدر صفین
 وقمہ سندنہ محدث ایدن حکم مسئلہ سندن طو لانی بالآخرہ
 مخالفت مذہبیہده بولنانلرک حقتده بونلر کافر میدر یوقسہ
 منافقہ میدرند ؟ دیہ مشارالہ حضرتلردن سؤال ایدیلنجه
 بونلر کافر دکلدرد زیرا کفر دین فرار ایتشلرد منافقہ
 دکلدرد چونکہ منافقلر حق تعالی حضرتلری پک آز
 ذکر ایدرلر حالہوکہ بونلر ذکر اللہ مواظبلردر . بونلر :
 مصاب اولدقلری فتنہ سبیلہ صوابی کورمز و ایشتمز
 بر حالہ کرفتار اولان کیمسہلردر بیورمش و حقلرنده
 کفر و نفاق روا کورمالمشدر .

شیخ ابوالحسن اشعری حضرتلرینک اجلہ اصحابندن
 امام احمد بن زاہر سرخسی بیور بیورک شیخ مشارالہ
 حال احتضارہ کلدیکی زمان بغدادده کندی خانہ مہدہ
 ایدی بالعموم اصحاب و تلامیذی حضورندہ بولنبوردی
 صوک نفسلرنده جملہ سنہ خطاباً (اشہدواعلی انی لا کفر
 احدامن اہل القبۃ بذب لانی رأیتہم کلہم بشیرون الی معبود
 واحد و الاسلام یשלہم ویعمہم) بیور مشارلری ایدی .
 یعنی : شاہد اولکمز ! بن اہل قبلہدن هیچ بر کیمسہ
 بر خطا سبیلہ تکفیر ایتم زیرا بن اونلرک ہپ بر معبودہ
 اشارت ایتدیکہ اولدقلری کوردم اسلامیت ایسہ جملہ سنی
 عام و شاملدر . دیکلدرد .

علمای اسلام حضراتی کفرک مجتہلرندہ لزوم ایلہ
 التزامی دخی تفریق ایدرک بر اعتقادک تیجہ سندنہ کفرک
 لزومی تحقّق ایتسہ بیلہ صاحب اعتقاد او کفری التزام
 ایتدیکہ تکفیری جہتہ کیدلیہ جکئی بیان ایتشلر و (لازم
 المذہب لیس بمذہب) دستورینی قبول ایتشلردر . التزام

تکملات دنیویہ نک اعلاى علیہی ایلہ قریرالعین ایدہ جک
بر جنت عاجلہ معنویہ در .

تراجم احوال صوفیہ

نسخ مقدمہ کی ترجمہ غزالیہ نک مابعدیدر
غزالی حضرت تلمیذ عصرینک ریاست و جلال
علمیہ سیلہ سرفراز و مسالک باطلہ نک رد و باطلانده یار
و اغیارک مشہودی اولان مزیت نادرسیلہ ممتاز اولدقدن
صوکرہ روحانیت ذاتیہ سنہ تجلی ایدن خاطرات ربانیہ
سائقہ سیلہ و اصل اولدیفی مرتبہ بلند عرفانی کالات
حقیقیہ نک استحصالہ کافی کورمیور و قوۃ عاقلہ بی دہ
حقایقک احاطہ و استکشافندہ مستقل بولمیوردی .
مقصد حقیق : فرق مختلفہ نک اختلافات واضطرابی
آراسندن عین الیقین حق و حقیق استخلاص ایدہ
بیلمکدن عبارت اولدیفی الکلامش ایدی . مسالک علم
و عرفان و طرق ایمان و ایقان آراسندہ اقصای غایات
و منہای درجاتی احاطہ ایدہ مدیک برمسلك و اراسہ
اودہ طریق صوفیہ ایدی . بناء علیہ ہمت سامیہ
فطریہ سیلہ طریقت صوفیہ بی دخی احاطہ ایدہ بیلمک
اوزرہ ابوطالب مکنسک ، حارث محاسبینک ، جنید
و شبلینک مؤلفات و متفرقات مآثورہ لر بی تدقیق و تتبع
ایدرك سماع و تعلم طریقہ تحصیلی ممکن اولان معارف
صوفیہ بی تحصیل اجمش ایسہدہ بوطریقک خصائص
معنویہ سنندن اولان علوم اسرارک انجق علم و سملک
مقارنت حقیقیہ سیلہ تجلا بخش انوار اولاجفنی
اکلامش ایدی . اومقارنت حقیقیہ و اومطالب عالیہ نک دہ :
خطوۃ اولی بالکلیہ علائق دنیوہ دن تجرد و فراغت
ایلمکدن عبارت اولان سیر و سلوک متوقف اولدیفی
کوربوردی . آنجق غزالی حضرت تلمیذ کبی صیت و شہرتی
عالیکر اولان بر مقتدای تلمیذک شمعہ جاہ و اقبال
و مرتبہ بلند آمالی ترک ایدیورمی آسان اولہ مزی .
ہر حالہ بر عنایت مخصوصہ ربانیہ نک تجلیسنہ و ایستہ ایدی .

قونیوی عصرینک اکابر علماسندن اولقلہ برابر جناب
مولانا حقندہ زمزمہ منکرینہ التحاق ایلمانردن ایدی .
بر کون مولانا حضرت تلمیذک (بن بتمش اوج مذهب ایلہ
متحدم) بیورمش اولدقلمی ایشتمش و بوسیلہ دن
بالاستفادہ انکار و تعرضہ تصدی اجمش ایدی . بناء علیہ
مقربلرندن و علمادن بر ذاتی تعلیمات مخصوصہ ایلہ نزد
مولانایہ کوندرمش ایدی . حضرت مولانا بر جمعیت
آراسندہ ایکن واسطۃ مومی الہ علی ملا الناس اولہ بر
سوز سوبلیوب سولیدیکنی سؤل ایدنجہ جناب مولانا
دخی جوابا اوت سولیدم دیمی اوزرینہ شدتلی دشنام
و اعتراضاتہ باشلامش و حضرت مولانا ایسہ بو
اعتراضات شدیدہ قارشو تبسم ایدرك (شو حالہ
سنکله دخی متحدم) بیورمشدر . بو معاملہ فتوتکارانہ
اوزرینہ سراج الدینک آدمی کمال حجاب و شرمساریلہ
عودتہ مجبور اولمشدر . ایشتہ بو منقبہ مقدسہ : عرفای
امنک پیشکاه بصیرتارندہ حضرات اهل اللہک وحدت
اسلامیہ و روابط معززہ دینیہ حقندہ نقدر علوی والہی
نظر لہ مالک اولدقلمی تعین ایدہ جک دلائل مبیحہ دندر .
علمای ظاہر و باطن حضراتی : اساسات قویۃ
معنویہ اوزرینہ بویلہ بیسکر جہ اقوال مآثورہ و افعال
مشکورہ ایلہ بتون فرق اسلامیہ بی شاہراہ توحید
و اتحادہ دعوت و بوسیلہ ایلہ عالم بشریتدہ خارق العادہ
براخوت حقیقیہ تأسیسنہ ہمت و دلالت بیورمشدر ایکن
بو وسایل مقدسہ دینیہ دن اک زیادہ استفادہ بی محتاج
بولدیفیمز بر صرودہ توسلات دینیہ و مذہبیہ ایلہ بین
الاسلام تفرقہ سبیت و یرمک : حقیقہ مدہش بر
جنایتدر . مقالہ مزی کلمہ طیبہ ایلہ نہایتدر یرمک اوزرہ
شو جہتی دہ عرض ایلر زک (من قال لا الہ الا اللہ دخل
الجنة) حدیث شریفی دخی رویت و بصیرتہ تأمل
ایدیلیرسہ بالعموم مسلمانلرک جنت آجلہ دن اول بردہ
جنت عاجلہ ایلہ مبشر بولندقلمی آکلاشیلیر زیرا :
روابط توحیدہ نک بین المسلمین حصولہ کثیرہ جکی
وحدت و اخوت دینیہ ہیچ شہہ یوقدرک : بزی